



EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

++

Nf 45.
44







Leich Predig /

4.

Welche bey der Begräbnuß

Welland des Durch-
leuchtigsten / Hochgebornen Fürsten
vnd Herren / Herren Johannis Casimiri / Pfaltz-
graffen bey Rhein / Vormunden / vnd der Churfürst-
lichen Pfaltz Administratoris / Herzogen in
Bayern ꝛc. Christseligster gedächtnuß/
ist gehalten worden / den 26.
Januarij Anno 92.

Durch

MELCHIOREM ANGERVM HoffPredigern.

Sapient. 4. vers. 13, 14.

Er ist bald vollkommen worden vnd hat viel jahr erfüllet. Dann seine Seele
gefällt Gott / Darvmb ehlet er mit ihm auß dem bösen leben.

d.



Gedruckt in der Churfürstlichen Statt Heidelberg/
durch Abraham Smesman / in Verlegung
Josua Harnisch / Anno 1592.

Faint text at the top of the page, possibly a title or date.

Faint text below the title, possibly a subtitle or author information.

Main title of the document, written in a large, decorative Gothic script.

First line of the main body text, starting with a large initial letter.

Second line of the main body text.

Third line of the main body text.

Fourth line of the main body text.

Fifth line of the main body text.

Sixth line of the main body text.

Seventh line of the main body text.

Eighth line of the main body text.



Ninth line of the main body text.

Tenth line of the main body text.

Eleventh line of the main body text.



Geliebte in dem **HERRN** Jesu
 Christo/ Wir haben sehzunder nach dem
 unwandelbaren / gerechten / vnd guten willen des ewi-
 gen vnd Allmächtigen Gottes/ Des Durchleuchtigsten
 Hochgebornen Fürsten vnd Herren / Herren Johannis
 Casimiri/ Pfalzgraffen bey Rhein/ Vormunden/ vnd
 der Churfürstl. Pfalz Administratoris / Herzogen in
 Bayern ꝛ. vnsera Gnädigsten Herren/ abgelegte hütte/
 vnd Fürstliche Leiche auß Christlichem / schuldigem/
 vnd vnderthänigstem gehorsam / nicht ohne herrliche
 große sorge / betrübnuß vnd trawrigkeit/ allhero / zu sei-
 nem Schlaffkammerlein / vnd Ruhbettlein / gebracht
 vnd geleitet.

Damit wir aber nicht nach dem Exempel der Gott-
 losen vnd sichern Welt/ diesen schmecklichen / hochbes-
 trübten/ vnd sehr beschwerlichen fall/ obenhin anschawen/
 vnd als ob er vngesehr geschehen / vnd nichts zu bedeu-
 ten hette/ achten vnd halten: Sondern / was vns Gott
 dadurch für augen stellen/ vnd zuerkennen geben / war-
 neissen vnd zu gemüth führen mögen/ Auch nicht traw-
 ren / wie die Heyden: So last vns Gottes Wort das
 von hören/ bey ihm trost suchen/ Vnd zu forderst / den
 Vatter aller Barmherzigkeit / vnd den Gott alles tro-
 stes anruffen/ daß er durch sein heiliges Wort vñ Geist/
 wahren Trost/ in vnseren betrübten herzen wolle wirckē:
 Vnd sprechen miteinander das Gebet/ das vns der Herr
 te Christus selber gelehret hat:

Vnser Vatter/ꝛ.

A 2

Textus.

Textus. Iesaiæ 57. v. 1, 2.

Der gerechte kompt vmb / vnd niemand ist der es zu hertzen nemme. Vnd heilige Leuthe werden auffgerasset / vnd niemand achtet darauff. Dann die gerechten werden weggerafft vor dem vnglück / vnd die richtig für ihm gewandelt haben / kommen zu friede / vnd ruhen in ihren kammern.

S Ann wir bedencen / was es für eine gelegenheit hat / nicht allein mit dem Römischen Reich / welches ohne das auff schwachen Leimenen zähen steht / sonder mit der ganken Christenheit / Wie geschwinde / schwere / vnd gefehrliche zeiten vorhanden seynd / Wie die grundveste beben / Wie alles in der ganken weiten Welt krachet / vnd zum vndergang sich neiget / Wie der Teuffel / der von Banden loß / weil er mercket / daß die zeit zum Gericht kurz ist / so gewlich tobet vnd wütet / Daß es sich auch ansehen lest / als were es vmb die kleine Herde des Herren / vmb das Würmlein Jacob / vnd den armen hauffen Israel geschehen: So mögen wir ja alle mit einander / hohes vnd niedriges standes / mit dem Propheten Jeremia wol sagen vnd klagen: Ach daß wir Wasser genug hetten in vnserem haupt / vnd vnserre augen threnquellen weren / Tag vnd Nacht zu weynen /

Jerem. 9.

nen/ vber den jammer des Landes/ vnd vber den schaden
Josephs.

Wem wolte es nicht jammern? Wem wolt es nicht zu
herzen gehen? Wer wolte nicht von herzen betrübt vnd
bekümmert sein? Wann man betrachtet/ Das unsere
Helden/ die mächtigen Seulen der Kirchen vnd des
Vatterlands/ Die Pflögätter vnd Seuzammen des
Volckes Gottes/ Die starcken Pfeiler/ so vom Her-
ren gesetzt/ vnd die wieder den Riß gestanden/ also fal-
len/ umbgerissen/ vnd hinweg gerasset werden.

Wem wolt sein herz für fürchten nicht zittern vnd
beben/ wann er bedencken/ vnd auß Gottes Wort sich
erinnern wird/ daß dieser schmerzliche vnd hochbeschwer-
liche fall/ der tödliche abgang unsers gnädigsten Fürs-
ten vnd Herren/ nicht allein an ihm selbst sehr kläglich/
sondern eine anzeigung vnd schreckliche dröwung ist/ vies-
les vnd grosses jammers vnd vnglücks/ das gewiß/ vnd
endlich/ wo wir nicht durch ein Gottseliges vnd Buß-
fertiges leben/ vnserem lieben Himmelschen Vatter in
die Rute fallen/ vns treffen vnd ergreifen wird. Dann
gleich wie es ein zeichē besonderer gnad vñ wolthat/ Gotts-
licher barmherzigkeit ist/ wann vns von Gott/ Gottseli-
ge Regenten vnd Herrschafften gegeben werden: Also ist
es im widerspiel ein anzeig: fürstehender straff/ vnd
schweres Zorns Gottes/ wann er vns solche Haupter/
wiederomb auß den augen hinwegnimbt/ vnd beschwer-
liche änderung für gehen läset.

Dann/ Brüllet auch ein Löw im Walde/ wann er
keinen raub hat? Bläset man auch die Posaunen in ^{Amos 3.}
einer Statt/ daß sich das Volck dafür nicht entsetze?
Ist auch ein vnglück in der Statt/ das der Herre nicht
thue? Der Löw brüllet/ wer solte sich nicht fürchten? Der
Herz

6
Herr redet/ wer solt nicht weißsagen/ vnnnd den Zorn des
H E R R E N verkündigen?

Diemeil wir aber Christen seyn/ wiedergeboren zu ei-
ner lebendigen hoffnung/ so sollen wir nicht trawren/wie
die/ so keine hoffnung haben/ Sondern auß dem Wort
Gottes/ das allein vnser trost ist in der bösen zeit/ vnder-
richt vnd trost suchen/ Im geraumen vmbkeren/ vnd den
Herzen vnseren Gott/ sampt seiner gnad vnd hülff/ weil
er noch zu finden ist/ suchen/ Das nicht all das vnglück
das vns der Herz dröwet/ vber vns komme/ vnserer feind-
de vber vns erfrewet/ vnnnd vnserer widersacher Horn
erhöhet werde. Daromb/ so last vns auß verlesenem
Text diese zween Puncten mit einander bedencken vnd
erwegen.

- I. Erstlich/ waromb wir in diesem kläglichen vnd hoch-
betrübtten fall/ trawren vnnnd klagen sollen: Vnd wie dem
fünfftigen vnglück / das vns der Herz dadurch für die
augen stellet/ zu begegnen sey.
- II. Weß wir vns auch in diesem fall zu trösten haben.

Vom Ersten.

Wir elenden Menschen seynd gemeiniglich also ge-
schaffen/ daß wann vns Gott straffet vnd schläget/ wir
allein auff die Bunden oder den Stein/ damit wir ge-
troffen seynd/ sehen/ viel davon wissen zu sagen vnd zu
klagen: Mercken aber nicht auff die hand dessen / der
den streich oder wurff geführet hat/ noch auff die vrsachen
vmb deren willen solche straffen vber vns kommen / vnd
der Zorn des Allmächtigen vber vns außgeschüttet wirdt.

Daromb klaget allhie der Geist Gottes / durch den
Propheten Jesaiam / vnnnd anderswo in der Schrift/
vber solche grosse blindheit / vnachtsamkeit / vnd sicher-
heit

heit der Menschen / daß sie so gar nicht achten auff die
werck des Herren / auff seine wunderbare fürsehung / vnd
regierung der Welt / betrachten auch nicht auß Gottes
Wort / Warum dieses oder jenes also geschehe.

Zwar / weil das gericht vom hausse des Herren an-
seheth / das ist frommer Gottseliger Leuth / ja auch hoher
vnd Christlicher Potentaten nicht verschonet wird :
Soltten sie billich ihnen die rechnung machen / Wie der ^{1. Pet. 4.}
Apostel Petrus lehret / Was wirdt es mit den Gottlosen
für ein end nehmen ? Vnd wie jener sagt : Quid faciet
humilis herba deserti, Si stare non valet alta ce-
drus Libani ? Was soll das kleine stüdlein thun / da
auch die großen Baume außgerissen werden / vnd vorm
winde nicht sicher seynd. Dann der Herr raffet die gerech-
ten hinweg / spricht Jesaias / Daß sie das künfftige vns-
glück / damit er gedencet die Gottlose Welt zu plagen /
nicht sehen. Aber sie wollen nicht achten auff das thun ^{Psal. 28.}
des Herren / noch auff die werck seiner hände. Der Herr /
der ein rechter richter ist / der dröwet zwar alle tage : Wer ^{Psal. 7.}
aber mercket es ? Vnd wer lest ihm solche drawung zu
herzen gehen ? Wer glaubet es / daß der Herr so sehr zür- ^{Psal. 90.}
net / vnd wer fürchtet sich für solehem seinem grimme ?

Darumb / Geliebte in dem Herren / Sollen wir in
diesem trawrigen vnd hoch beschwerlichen fall / den wir
vor augen haben / nit alleine sehen auff den Riss / den der
Herr im Lande gethan / sondern auff den Zorn des Her-
ren / vnd auff vnser große Sünde / die solches verursa-
chet haben.

Dann allhie sagt der Prophet Jesaias / Daß / wann
Gott vber ein ganzes Land seinen grimmigen Zorn wolle
anbrennen lassen / vnd das Gottlose weesen vnd leben der
Welt / mit grosser straffe heimsuchen / So raffte er die ge-
rechten

rechten vnd Gottesfurchtigen / sonderliche Gottselige /
 fromme vnd Christliche Regenten / die seinen Zorn mit
 ihrem Gebet auffhalten / vhrplötzlich hinweg / das sie
 solchs vnglück nicht sehen: Die sorglose vnd sichere Leu-
 the aber damit vnversehens überfallen vnd getroffen wer-
 den. Vnd eben dasselbe bezeuget auch der weise König
 Prov. 28. Salomon in seinen Sprüchen / 28. Cap. Vm des Lands
 Sünden willen / werden viel änderunge der Fürstenthüs-
 men. Item im Buch der Weisheit 4. Cap. ver. 17. 18. 19.
 Wie dann auch solches / durch die Tägliche erfahrung
 vnd exempla / mehr als zu viel am tag vnd vor augen ist.

Dann als der fromme vnd Gottseliche König Josas-
 phat lebete vnd regiret / stunde es wol in dem Königreich
 Juda. Was aber für änderung / jammer vnd elend /
 beyde in dem Weltlichen Regiment / vnd auch in der Res-
 ligation / vnd was für grosse straffen auff seinen Todt er-
 folget seynd / Vnd solches vmb des Volcks Sünde wil-
 2. Par. 33. len / welches sein hertz nicht hatte geschickt zu dem Gott
 ihrer Väter / ist auß den Historien Göttliches Worts
 2. Par. 21. klar vnd offenbar.

Weil Hiskias regiert / war ein zimlicher wolstand
 bey dem Volck Gottes. Als er aber seyn augen zuthete /
 hilff lieber Gott / welch ein schrecklicher jammer / wie
 2. Reg. 21. grewliche Abgötterey / wie grosses vnglück ist auff sol-
 2. Par. 33. chen Todt erfolget?

Dem Gottseligen König Josia lest Gott anzeigen:
 Weil dein hertz erweichet ist vber den worten / die du ges-
 höret hast / vnd hast dich gedemütiget für dem Herren:
 2. Reg. 22. So will ich dich zu deinen Vätern sammeln / das du mit
 freuden in dein Grab versamblet werdest / vnd deine
 augen nicht sehen alles das vnglück / das ich auff diese
 Statt senden werde.

Wie es

Wie es zu anderen zeiten ergangen / wann Gott
Christliche vnd Gottselige Regenten / die Pfleger vnd
Seugammen der Kirchen gewesen / gegeben hat / vnd
aber von wegen des vndancks / vnd der Sünden des
Volcks / dieselben auffgeraffet / hinweg genommen / vnd
ihnen wieder entzogen / Davon mag man in der Kirchen
Histori lesen / wie es nach dem Tode des Kayfers Con-
stantini Magni, Theodosij, Honorij, vñ anderer ergan-
gen sey. Denn alles hie zu erzehlen / viel zu lang würde.

Was zu vnseren zeiten sich zugetragen / vnd täglich
begibt / ist am Tage / vnd darff keiner beweisung / Sons-
der / es soll vns die Tägliche erfahrung die augen auff-
thun daß wir der wercke des Herern lehren besser ach-
ten / vnd warnemmen.

Dañ ob schon die ruchlose vnd sichere Welt / die hand
Gottes / vnd seine werck / in dem Tod der gerechten nicht
erkennen noch mercken will: So lest doch Gott in dem
selbigen seine ewige Fürsorgung / vnd wunderbarliche Res-
gierung also sehen / daß / wer nicht mutwillig blind seyn
wil / die grossen werck Gottes nicht allein sehen / sondern
auch gleichsam greiffen vnd fühlen muß.

Dann ist nicht das ein sonderbares werck Gottes / daß
gleich wie ein embsiger vnd fleissiger Bawman / den gu-
ten Weizen / zur zeit der Erndte / in einer eyle / vor dem
Regen vnd vngewitter auffraffet / vnd an einen sichern
orth in seine Schewren sammlet / vnd verbirget: Also
der getrewe vnd Barmherzige Gott / seine liebe kinder /
vnd getrewe Diener / als herliche garben des guten
Weizen / für dem schrecklichen wetter seines grimmigen
Zorns / auch auffraffet von der Erden / vnd in die Him-
lische Schewren / da sie für allem vnglück sicher seynd /
sammelt vnd verbirget?

Ist das nicht Gottes werck / vnd eine anzeigung seiner grossen güte / barmhertzigkeit vnd langmütigkeit / das er vns durch solchen tod frohner vnd heiliger leuthe / sonderlich Christlicher / Gottseliger vnd trewer Regenten / warnet für vnserem schaden / vns zur Busz locket / vnd gleichsam den weg zeigt / dem fünfftigen vnglück zu entgehen?

Des wegen / Geliebte in dem Herzen / sollen wir bey dem tödlichen abgang / des Durchleuchtigsten / hochgebornen Fürsten vnd Herrn / Herrn Johannis Casimirs / Pfalzgraffen ꝛc. vnserer gnädigsten Herren / nicht allein sehen auff Natürliche vrsachen / Sondern vns erinnern vnserer Sünden / damit wir solchen schaden / vnd das fünfftige vnglück / das vns der Herr dadurch dröwet / verorsachet haben: Vnd des wegen vns zu ihm bekehren / auff das er sich auch wieder zu vns kere / vnd von vns abwende das böse / das er vber vns / wo wir vns nicht bessern / gedacht vnd beschlossen hat.

Dann niemand so ein steinern hertz haben kann / das er nicht sollte erkennen / vnd mercken / das Gott grosse Landstraffen vber vns zu führen bedacht sey / Wann er die grossen wolthaten / vnd gnade / so vns Gott in diesem vnserem gnädigsten Herzen erzeiget vnd gegeben hat / Vnd hergegen auch den grossen vndanck / vnd vbermachie sicherheit / gegen eynander halten / vnd vergleichen wirdt.

Dann erstlich ist durch die ganze Welt bekant / vnd gerühmet / auch jedermenniglichen bewust / das S. F. G. ein Gottliebender vnd Christlicher Fürst vnd Regent gewesen / der ihm nichts mehr / bis an sein seliges end / hat lassen angelegen sein / als den gemeinen nutzen / vnd befürderung der Christlichen Kirchen vnd des reichs Gottes / Das man mit dem heiligen Ambrosio wol von ihm sagen kann / *Dilexi virum, qui cum corpore solueretur,*
magis

magis de statu Ecclesiarum, quàm de suis periculis
angebatur.

Es haben aber S. F. G. ihre Religion vnd glaubens
bekandtnuß / nicht gelernet auß Menschen Schrifften/
oder gegründet auff auctoritet vnd ansehen der Lehrer/
Sondern auff den vnfehlbaren vnd beständigen grund/
außer welchem kein ander kann geleyet werden / nemlich
auff Jesum Christum / wie der von den Propheten vnd
Aposteln ist geprediget worden.

Vnd ist S. F. G. solches ihres glaubens vnd Reli-
gion / ob wol dieselbe in der welt verhasset / vnd von vies-
len verlästert / verkehert / vnd vffs aller schändlichste ist
außgeschrien worden / dermassen versichert / vnd in ihrem
herzen also gewiß gewesen / daß S. F. G. sich nicht ges-
schewet / nicht allein dieselbige öffentlich vor der ganzen
Christenheit zu bekennen / Sondern auch anno 66. auff
dem Reichstag zu Augspurg / da S. G. geliebster
Herr Vatter / Churfürst Fridrich / Christeligster ges-
dechnuß / derselben Confession halben / beschwerlich ans-
geklagt worden / Die Bibel / vnd Augspürgische Con-
fession, den anwesenden Chur vnd Fürsten / auch der ab-
wesenden Botschafften vñ Gesandte / in der Person / mit
vnerschrockenem gemüt / vñ auffrichtigem herze / fürgez-
legt / vnd neben ihrem geliebsten Herrn Vatter / begeret /
eines andern vnd bessern / auß Gottes wort / vnderrichtet
vnd vberzeuget zu werden / Aber niemandis vnter allen
anwesenden Churfürsten vñ Ständen herfür getretten /
der auch das wenigste vnd geringste für zu bringen oder
eynzuwenden gehabt.

Welches denn S. F. G. dermassen in ihrem herzen
confirmiret vnd gestercket / daß dieselbe nachgehends /
nicht allein mit herzen vnd mund solches öffentlich be-

kennet/ sondern auch neben andern / hohes vnd Adeliges standes/ vnd anderen Gottliebenden Personen / vnd redlichen leuthen / mit darsetzung ihres leibes vnd Blutes / in dem sie sich der armen bedrangten glieder des Herren Christi / so vmb solcher Religion willen verfolget wurden / angenothen / ihnen zu hülff vnd trost kommen / zum vierdten mahl vor der ganken welt dargethan vnd bezeuget haben.

Wie herzkliche liebe vnd grosses verlangen S. F. G. zu dem heiligen wort Gottes / ihr gankes lebenslang getragen / ist nicht allein denen / die stets vñ seine Fürstliche Gnade gewesen / sondern auch andern vnd dieser Christlichen gemeinde / also bekandt / daß es zeugnuß vnd beweisung nicht von nöhten hat.

Mit was freuden vnd herzklichem trost S. F. G. das heilige Abendmahl des Herren Christi / als einen hohen vnd teweren Schatz / so offft es die gelegenheit gegeben / mit der Christlichen gemeinde gebrauchet / Davon können viel frommer herzen zeugen.

S. F. G. haben mit dem Christlichen Gebet / ganz fleissig vñ vnnachlässig angehalten / Dieweil dieselbigen in Schola crucis, zimlich von Gott dem Herren seynd geübet vñd Probiret worden / auch wol gesehen / mit dem frommen König Josaphat / Daß kein hülff sey / denn bey dem Herren alleine.

Es ist aber S. F. G. nicht allein für ihre Person Gottsfürchtig / vñd Gottselig gewesen / sondern haben auch / so bald sie in ihr Regiment getretten / diß fürnehmlich ihre höchste vnd größte sorge sein lassen / Daß die Religion reyn vnd vnverfälscht / wie sie S. F. G. auß den Brünlein Israels geschöpffet / möchte erhalten / vnd allen Vnderthanen in ihrer Gnade Landen / fürgetragen vñ geprediget

prediget werden / damit sie auß dem wort Gottes recht vnderrichtet / vnd zu der erkandnuß Gottes / vnd der ewigen seligkeit möchten gebracht werden.

Vnd daran haben ihre Gnade nichts lassen erwinden / keine mühe / keine arbeit / kein kosten gesparet / damit Kirchen vnd Schulen recht vnd wol bestellet würden.

Sonderlich / da seine F. G. durch schickung des allmächtigen Gottes / zur Administration der Churf. Pf. beruffen worden / haben sie mit viel vñ grosser sorg / mühe vnd angst dahin gearbeitet / daß Kirchen vnd Schulen / so durch etliche vnruhige Theologen, mit vngesunder lehre von der Person Christi / vnd den heiligen Sacramenten turbiret / wiederumb zu recht gebracht / vnd mit reinen Lehrern bestellet vnd versehen würden. Welches auch S. F. G. durch Gottes gnädige hülffe zwar glücklich ins werck gerichtet / Es aber dabey nicht haben beswenden lassen / Sondern / damit sie ja zu der vnderthanen heil vnd wolfart / nichts an sich erwinden liessen / seynd sie denselbē nicht allein mit gutem exempel / in vleissigem besuchen der Predigten des Göttlichen worts / vnd gebrauch des heiligen Abendmals / füraangen / Sondern haben auch endlich ein General Visitation, nach dem Exempel des löblichen vnd Gottseligen Königes Josaphats / anstellen lassen / deren auch S. F. G. so viel die hochwichtige vnd vielfaltige geschäfte haben leiden können / in der Person begewonet / vnd die vnderthanen mit aller sanfftmüt vnd Christlicher bescheidenheit / in gemein / vnd in sonderheit / auß Gottes wort vnderrichten / vnd ihnen den weg zur ewigen seligkeit zeigen lassen : welches auch nicht ohne grobe frucht / vnd ohne besondere herrliche freude ihrer F. G. abgangen.

Was wir aber für einen trewen Vatter des Vatters

B 3 lands

lands an S. J. G. gehabt/wie er des Lands vnd seiner armen vnderthanen bestes allzeit gesucht vnd gefordert/das erkennen vnd wissen fromme herzen: Die andern aber/so mutwillig verstockt seynd/vnd Gottes gute wenig achten/werdens zu seiner zeit erkennen/beweynen/vnnd mit ihrem selbst eygenen schaden beklagen.

Er war der schöne baum / darunter wir Gericht vnd gerechtigkeit / schutz vnnd schirm / friede / vnnd gerühiges stilles leben hatten. Wie viel betrübter herzen der Heiligen haben seine J. G. erquicket? Sie haben die arme verstoffene glieder Christi / in ihrem elende auffgenommen vnnd beherberget / vnd hat sich keiner jemals/der von wegen der warheit des Euangelij ist bedranger gewesen / Seiner J. G. erzeiget / der ohne hülff / rath oder trost/von S. J. G. wer gelassen worden/ja der auch nicht auß dem lieblichen vnd gnädigen anblick S. J. G. besondern trost vnd erquickung empfangen hette.

Vnd weil seine J. G. allezeit den Herrn für augen gehabt/vñ ihn gesucht von ganzem herzen/ohn allen falsch vnd heuchelen (ob sie gleich auch als ein Mensch/jhre gebrechen gehabt) So ist auch/wie vom Josaphat geschriben stehet/der Herz bey vnd mit ihm gewesen/das ihn alle fromme herzen geliebet / freunde vnd feinde geehret / die widersacher gefürchtet / vnd ist ein sonderer schrecken vñ furcht gewesen dem AntiChristischen hauffen / auch bis in sein lestes vnd seliges ende.

Als aber der liebe allmächtige Gott / nach seinem guten vnd Väterlichen willen / S. J. G. mit etwas leibes schwachheit angegriffen/haben sie bey zeit sich zu einem seligen abscheid vnd sterbstündlein gefast vnd geschickt gemacht / Diweil S. J. G. nicht allein gesehen/das ihre leibes kräfte allgemach abnehmen/ vnd es mit ihre sich
zum

zum ende nähert: sondern auch/dieweil ihre Gnaden höchlich verlanget vnd geseuffhet nach dem ewigen Vattersland / als die da müde waren / nicht allein ihrer selbst eigener zugestanderer vielfaltiger wiederwertigkeit / sondern auch des gemeinen jammers vnd elendes dieses zergänglichlichen vnd betrübten lebens/ darinnen der liebe Gott/ S. J. G. als das gold im offen / vielfältig Probiret/ vnd ihren glauben köstlicher als das feine Gold erfunden. Derowegen vmb so viel desto mehr/ mit vleissiger anhörung Göttliches worts/ mit betrachtung desselben/ mit Gottseligen Christlichen Gesprechen/auch mit dem brauch des heiligen Abendmals vnser Herren Jesu Christi/sich in vestem vertrauen zu Gott/herziglich erquicket vnd getröstet. Vnd endlich / als die schwachheit vberhand genossen/ dem allmächtigen Gott ihre Sünde mit seuffhen gebeichtet / vnnnd mit dem lieben David/ auß grundt ihres hertzens diese wort gesprochen: Ach Herz gehe nicht ins gericht mit deinem knecht. Denn vor *Psal. 143.* dir ist kein lebendiger Mensch gerecht. Vnd nachgehendes/ seine zuversicht vnd glauben zu Gott / vmb Christi willen/bezeuget / vnd gesagt / Sey mir gnädig Herz Jesu: du hast mich erlost / du trewer Gott: vnnnd damit ihre Seele ihrem trewen heyland vnnnd erlöser bevohlen vnd auffgeopffert / Vnd also im neun vnd vierzigsten jahr ihres alters / welches sie volkommlich / da sie noch biß auff den 7. Martij gelebt / erreicher hetten / ganz Christlich vnd seliglich in dem Herren entschlaffen / den 6. Januaris / dieses ablauffenden 92. Jahrs / des morgens zwischen 5 vnd 6 vhren.

Die hochlöblichen vnd ruhmwürdigen Thaten / die herrliche Barmhertzigkeit gegen den Armen / die grosse weißheit vñ hohe verstand/vorsichtigkeit/ gedult/ sanfftmüt/

mut/vnd andere Christliche vnd Fürstliche tugenden S.
F. G. alhie zu erzehlen/ist nit dieses orts noch gelegenheit/
Auch der solches nach der gebüre thun wolte/würde nicht
an 1. oder 2. stunden/ sondern auch nicht an einem gan-
zen Tage zeit genug haben.

Dieses aber habe ich allein darvmb also vermelden
wollen/ daß wir sehen möchten/ wie grosse wolthat vns
Gott/ in diesem vnseren gnädigsten Herrn erzeiget hat/
auff daß wir auch mögen erkennen lernen/vnsern grossen
vndanck vnd vielfältige Sünden/damit wir solche gnade
Gottes verschüttet/vnd vns derselben beraubet haben.

Es bedencke allhie ein jeder/ was für ein vnaussprech-
liche gnade Gottes das ist/daß wir bishero einen solchen
Fürsten vnd Herren gehabt/ der all sein eusserstes vermö-
gen/ vleiß vñ arbeit angewendet/damit Gottes ehre/vnd
der Vnderthanen zeitliche wolfart vnd ewige seligkeit
möchte gefurdert werden?

Wir solten ja billich Gott höchlich gedancket haben/
daß wir vnter vnserem seligen Herren/gleich als in einem
Paradis bishero gefessen/ vnd noch sitzen/ da wir Gott
täglich in seinem wort hören/durch vnser Gebet mit ihm
reden/zu Gott eyn vnd außgehen/vnd. volle genügen für
vnser Seele haben können.

Ach lieber Gott was ist's für ein elender jammer/ wo
man dieser wolthaten beraubet ist? wie solches in dem Re-
giment Saulis/ vnder andern Gottlosen Königen/ im
volck Gottes/auch an vielen orthen der welt heutiges ta-
ges zu sehen ist.

Es ist aber höchlich zu besorgen/vnser beharliche vns-
danckbarkeit/verachtung Göttliches worts/vñ aller an-
dern gaben/die Gott bishero so reichlich vnd vberflüssig
gegeben/vnser hartneckigkeit vñ muthwil in allerley
Sünden/

Sünden / darinnen man biß noch / ohn vnderlaß pflaget
 fort zu fahren / werdē gewißlich eine vnzweyffliche vrsach
 seyn / daß vns der fromme Gott / solche gnade entzogen /
 vnd wo wir also / ohne besserung / fortfahren / sich mit sei-
 nem segen ganz vnd gar von vns wenden / seinen gerech-
 ten zorn / ehe wirs vns versehen / wie biß daher vber andere
 Länder geschehen / außschütten / vnd die gedröwete vnd
 wolverdiente Straffe / endlich werde müssen ergehen
 lassen.

Denn wie wolte doch der gerechte Gott / der gesuchten
 vnd angemastten blindheit / bey dem hellen vnd klaren
 licht / seines heiligen vnd seligmachenden wortes / alles
 zeit zu sehen / vnd nicht der mal eines / solche heimsuchen
 vnd straffen?

Es wollen jader mehrer theil nicht sehen / was sie se-
 hen / sondern mit sehenden augen blind seyn / thun die aus-
 gen zu für der Sonne der gerechtigkeit / wollen nicht ver-
 stehen was sie horen. Denn ob sie gleich auß Gottes wort
 augenscheinlich vberwiesen / vnd eines bessern in ihrem
 hertzen vberzeuget seynd / So muß doch menschen lehr vñ
 gedicht mehr als das lebendige wort Gottes bey ihnen
 gelten Solte denn der großmächtige Gott nicht zör-
 nen? Solte der gerechte Richter nicht straffen?

Also / Geliebte in dem Herrn / haben wir / in diesem bes-
 trübten vñ hochbeschwerlichen fall / ja wol zu klagen: Aber
 wer klagen will / der klage vber seine Missethat vnd
 Sünde.

Wieder wen wollen wir murren? Ein jeglicher murze *Thr. 3.*
 wieder seine Sünde / vnd sage mit David Psal. 106. Wir
 haben gesündigt sampt vnsern Vätern / wir habē miß-
 gehandelt vnd sindt Gottlos gewesen. Vnd mit dem
 lieben Daniel: Wir haben gesündigt / vnrecht gethan / *Dan. 9.*
 E seynd

seynd Gottlos gewesen vnd abtrüüig worden/wir seynd von deinen Gebotten vñ Rechten gewichen/ O Herz/wir gehorcheten nicht deinen knechten den Propheten/die in deinem Nahmen/vnsern Königen/Fürsten/Vätern/vnd allem volck im lande Predigten.

Vnd last vns ja vleiß anwenden/das wir dem künfftigen vnd gedröweten vnglück entrinnen mögen.

Was sollen wir aber thun/damit wir demselben fürkommen vnd entgehen mögen?

Wir müssen folgen dem rath des Herren/den er vns gibet durch den Propheten Zach. 1. vers. 3. Bekeret euch zu mir/so will ich mich zu euch keren/spricht der Herze Zebaoth. Thut nicht wie ewre Väter gethan haben/die liessen jnen Predigen/besserten sich aber nicht. Darvmb haben sie troffen alle die straffen die ich jhnen gedröwet hatte.

Also wenn wir nicht wollen das der zorn Gottes weiter ober vns soll anbrennen/so müssen wir nicht thun/wie wir bissher gethan haben/das ist/wir müssen von vnserem sicheren vñnd ruchlosen wesen abstehen/vns zum Herzen bekeren/so wirdt er gnädig sein/vnd jhn gerewen das vbel das er ober vns gedacht hat. Denn sein ist die Barmhertzigkeit vnd die vergebung. Er hat vns zurissen/er wirdt vns auch heilen/Er hat vns geschlagen/er wirdt vns auch verbinden.

Dan. 9.

Hof. 6. v. 1.

Zum andern/so müssen wir die gnade Gottes erkennen/vnd mit danckbarem herzen preisen lehren/das er vns noch nicht Waisen/sondern einen Josiam vbrig gelassen/ Den auch Durchleuchtigsten/hochgebornen Fürsten vnd Herren/Herren Fridrichen Pfalzgraffen bey Rhein/des heiligen Römischen Reichs Erstruchsesssen vñnd Churfürsten/Herzogen in Bayern/vnsern gnä-

gnädigsten Herren/2. Dessen Churfürstl. G. sich nicht mit weniger ernst vnd eyffer / als ihrer Churf. G. löbliche Vorfahren / Christseligster gedächtnuß / beydes der Religion vnd wahren Gottesdienstes / vnd auch der armen Vnderthanen / nach dem Exempel des frommen Königs Josia / im werck vnd mit der that / annimbt / für sie sorget / ihr bestes in alleweg suchet vnd fördert.

Solche gnade Gottes / sage ich / müssen wir lehren hoch achten / Gott trewlich bitten / daß er vns dieselbige lang erhalten / vnd nicht vmb vnser Sünde willen auch entziehen wolle.

Zum dritten müssen wir nicht an den eusserlichen mittelen haften / vnd vnser vertrauen / vnd zuversicht / darauff setzen / Sondern all vnser zuflucht zum Herzen nehmen / auff ihn allein sehen / auff ihn trauen vnd bauen. Er will allein die ehr haben / daß er der sey / der durch oder ohne mittel / allein in allen nöthen helffen könne / vnd helffe allen denen / die auff ihn sich verlassen / vnd ihn anrufen.

Darvmb entzeucht er auch offtermals vns die eusserliche mittel / daß er vns die fleischliche sicherheit vertreibe / zu wahrer vnd rechter buß auffmuntere / vnsern glauben Probiere / vns im Gebet vnd Gottseligkeit vbe / vnd auff ihn allein sehen lehre.

Zum vierdten / sollen wir vleissig beten : Dann ob schon groß jammer vnd noth vorhanden / wie von diesen letzten zeitten / der Geist Gottes / durch den Propheten Joel 2. vnd durch andere geweissaget hat: So haben wir doch diese tröstliche verheißung von Gott / Daß es geschehen solle. Wer den Nahmen des Herren wird anrufen / der soll erhalten vnd selig werden.

Vnd so viel vom ersten Stück dieser Predigt.

Folget kürzlich das Ander:
 Vom Trost den wir bey diesem trawrigen vnd
 betrübten fall zu bedenccken haben.

Also tröstet sich der Prophet Jeremias in seiner klag/
 Thren. 3. v. 22. Die güte des Herren ist / daß wir nicht
 gar auß seynd. Seine barmherzigkeit hat noch kein en-
 de / sondern ist alle morgen new. Der Herz betrübet wol/
 vnd erbarmet sich wieder nach seiner grossen güte.

Also tröstet vns auch in vnserem leid vnd betrübnuß
 der Prophet Jesaias / da er spricht / Die gerechten
 werden auffgerafft vor dem vnglück / vnd die
 auffrichtig gewandelt haben / kommen zu frie-
 de / vnd ruhen in ihren kammern.

In diesen worten helt er vns dreyerley Trost für:
 Erstlich sagt er / sie werden auffgerafft / Nemblich von
 dem Herren.

Dann gleich wie fromme vnd Gottselige Fürsten
 vnd Regenten / allein von dem ewigen vnd Allmächtigen
 Gott / der die Königreich vnd Fürstenthumb aufthetlet/
 wem er will / gesetzt vnd gegeben werden / Wie die Weiß-
 heit Gottes solches bezeuget Proverb. 8. Durch mich
 regiren die Könige / vnd die Raths Herren setzen das
 Recht. Durch mich regiren die Fürsten / vnd alle Regen-
 ten auff Erden. Also / wann dieselbige durch den zeitli-
 chen Tod wiederumb abgefördert werden / vñ des volcks
 Sünde vnd vndancks willen / geschicht solches auch al-
 leine von dem Herren. Wie er dröwet Iesa. 3. Daß er
 umb des Volcks Sünde willen / verständige Regenten/
 Kriegsleuthe / Richter / Propheten ꝛc. hinweg nehmen
 wolle.

Hat

Hat dann nun solches der Herz gethan / vñnd vnsern
Gnädigsten Herzen vor dem vnglück hinweg gerasset/
So ist es nicht allein recht vñnd wol gethan / sondern wir
haben vns auch dessen höchlich zu trösten / vñnd vnser
trawrigkeit zu mässigen.

Dann der Herz der solches gethan hat / ist genädig/
vñnd gedencet auch im Zorn an seine Barmhertzigkeit/
seine gnade wäret von ewigkeit zu ewigkeit / vber die so ihn
fürchten. Er hat verheissen / Er wolle Israel vñnd Juda *Terem. 51.*
nicht Waisen lassen. Er ist vnser Erlöser vnser Hey- *Ies. 41.*
land / der vns stärcket / hilfft / erhelt / Wie seinen Aug- *Zach. 2.*
apffel bewaret: Wann wir von Vatter vñnd Mutter ver- *Psal. 27.*
lassen seynd / vns auffnimbt / vñnd durch sich selbst / alles
was wir verlohren haben / reichlich erstatten wil. Zu dem /
so regiret er alle ding also / Daß sie denen / die ihn lieben
müssen zum besten dienen.

Darvmb so sollen wir in diesem vñnd anderen beschwer-
lichen fällen / auff den Herrn sehen / mit glaubigem herzen
an ihm hangen / vñnd was er in zeitlichen vñnd leiblichen
dingen von vns nimbt / williglich vñnd gern fahren lassen /
vñnd mit dem frommen Job sagen: Der Herz hats gege-
ben / der Herz hats wieder genommen / Der Nahme des
H E R R E N sey gelobet vñnd gebenedeyet.

Vñnd sollen vns dessen trösten / daß wir den Herrn vn-
sern Gott behalten. Dann wann wir den haben / so haben
wir alles / vñnd kann vns an nichts mangeln / wie David
lehret im 23. Psalm. Vñnd im 73. Psalm sagt er / Ich
bleibe O Herz / stets an dir. Wann ich nur dich habe / so
frage ich nichts nach Himmel vñnd Erden / Wann mir
gleich Leib vñnd Seel verschmachtet / so bistu dannoch alle
zeit meines herzen trost vñnd heil. O daß wir diesen
trost recht fassen möchten / vñnd vnser herzen sich mit

Gott begnügen liessen: O daß wir uns seinem gnädigen willen/ der allein heilig vnd gut ist / in lieb vnd leid/ in leben vnd tod ergeben / vnd alle sorge auff ihn werffen könten/ vnd zu frieden seyn / wie er es mit uns machet! Dann alle seine wege seynd ja eytel güte vnd warheit/ denen/ die seinen Bund vnd zeugnussen halten.

Wann wir aber uns diesen trost wollen zu nutz machen/ so müssen wir mit wahrer buß uns zu ihm bekehren/ vnd sehen / daß wir in vnserem herzen mögen versichert seyn / Daß wir durch Christum einen gnädigen Gott vnd Vatter haben / vnd mit dem Apostel Paulo uns rühmen können: Ist Gott für uns / wer will wieder uns seyn? Dann die in Sünden mutwillig beharren / die haben Gott nicht zum freunde/wie Johan. 9. stehet / Gott erhöret die Sünder nicht / Sintemal er nicht ein Gott ist, dem Gottlos wesen gefället.

Rom. 8.

Psalm. 5.

Diß ist der erste Trost.

Der ander Trost ist dieser / Daß vnser gnädigster Fürst vnd Herz zu frieden vnd zu ruhe kommen ist. Er ist nicht verlohren: dann wir wissen wo er ist. Dañ nach dem er die Irdische hütten abgeleget / ist seine Seele in der Himmlischen wohnung / in dem Schoß Abrahams / welche ihm vnd allen glaubigen der Herze Christus bereytet hat / wie er verheissen Johan. 14. Der leib aber ruhet in seinem Schlaffkammerlein / vnd erwartet des frölichen Tages / da er in herzigkeit würd herfür gehen/ vnd mit allen Außergewählten/ bey seinem Heyland seyn ewiglich.

Seine S. G. ist nicht tod / sondern leben : Es lebet die Seel im ewigen Leben bey ihrem Heyland Jesu Christo/ Da freude die fülle/ vnd lieblich wesen ist ewiglich: Der leib

Psalm. 16.

leib ruhet in seiner Schlaffkammer / von aller muhe / arbeit / sorgen vnnnd elend / Darvmb die Schrifft den Tod der glaubigen einem Schlaff vergleichet. S. F. G. leben auch durch einen ewigen ruhm vnnnd gedächtnuß / nach der verheiffung des Geistes Gottes / im 112. Psalm. Des gerechtten würd nimmermehr vergessen werden. Es leben auch S. F. G. in ihrem geliebten Pfleg Sohn vnnnd Vettern / vnserem gnädigsten Chur vnnnd Lands Fürsten / Herren Fridrichen Pfalzgraffen / der durch die gnade Gottes in S. F. G. fußstapffen treten / vnd auch in den wegen seines Gottes wandlen / vnd den HERN suchen wird.

So seynd auch S. F. G. nicht in der qual / sondern im frieden vnnnd in der ruhe / wie der Prophet saget / Vnnnd Johan. in seiner Offenbarung 14. Selig seynd / die in dem Herren Entschlaffen / Dann sie ruhen von ihrer arbeit.

Vnd diß ist auch der ander trost.

Der dritte trost ist / daß wir auß diesem text des Propheeten sehen / mit allein wie es mit vnserem S. F. vnnnd Herren so wol stehet / sonder was es endlich auch mit vns für ein seliges end / so wir glauben / gewinnen wirdt.

Denn der Propheet beschreibet allhie den tod der gerechtten / das ist / der jenigen / so durch den glauben an Christum seynd gerecht / vnd durch den heiligen Geist geheiligt worden / daß sie auffrichtig für Gott gewandlet haben / also / daß er saget / Sie werden fürm vnglück auffgeraffet / können zu friede / vnd ruhen in ihren kammern.

Mit welchen worten er anzeiget / daß der tod den glaubigen nicht sey ein vndergang / sondern ein eyn gang in das ewige selige leben / wie der Herz Christus sagt Ioh. 5.
Was

Rom. 8.

Warlich/warlich sage ich euch / wer mein wort helt vnd glaubt an den der mich gesandt hat / der hat das ewige leben / vnd kompt nicht ihns gericht / sondern er ist vom todt zum leben hindurch getrungen. Vnd Iohan. 8. So jemandt mein wort wirdt halten / der wirdt den tod nicht sehen ewiglich. Denn obgleich die glaubigen hie zeitlich sterben / so sehen sie doch den rechten todt nicht / sondern nur ein schatten des todes / Denn er hat kein krafft oder macht vber dieselben / sie zu tödten / Den es ist nichts verdammlichs an denen die in Christo Jesu seynd.

Das volck Israel in der wüsten ward sehr erschreckt durch die schlangen die Gott vnder sie schicket / vnd worden auch viel dardurch getödtet / Aber für der Ehrnen schlangen die Moses auffrichtet / fürchtet sich niemand / den sie hatte keine giff. Also ist der todt wol schrecklich den Kindern des vnglaubens / in welchen er mächtig ist / Aber die glaubigen entsetzen sich nicht für ihm: dieweil ihm das giff vnd sein stachel / nemlich die Sünde vnd der zorn Gottes / durch Christum genommen vnd zerbrochen ist / wie I. Cor. 15. stehet / Todt wo ist dein stachel? Hölle wo ist dein sieg? Also wirdt auch anders wo der todt der glaubigen einem schlaff verglichen / da durch sie ruhen von ihrer arbeit.

Den gleich wie die jenigen / so durch schwere arbeit des tages sich abgemattet haben / durch den schlaff wiederumb gestercket / vnd neue kräfte bekommen: Also auch alle fromme Christen / wenn sie durch viel mühe vnd arbeit / angst / noth / trübsal vnd elend / dieses zeitlichen lebens müde / verdrossen vnd satt worden / so kommen sie durch den zeitlichen tod zu ruhe / vnd legen alle schwachheit ab: Darumb sie sich auch darnach / gleich wie ein tagelöhner nach dem Abend / sehnen / vnd ein herrliches verlangen haben.

Ahhie

Alhie/auff erden/vnd so lang diß zeitlich leben wäret/
Haben sie nichts anders zu gewarten als vnfriede/ krieg/
kampff vnd streit / wie dann des Menschen leben ein stet. *Iob. 7.*
wärender kampff ist: nach diesem leben aber / kommen sie
zu friede / sagt der Prophet Jesaias.

Dieweil wir denn/G. im Herren/nicht allein auß dies-
sem spruch des Propheten verstehen/in was großer freu-
de vnd herzigkeit nun mehr vnser G. J. vnd Herr ist/ son-
der auch wir zu der seligen vnd lebendigen hoffnung wie-
der geboren seynd/vnd wissen/das sein J. G. nicht wieder
zu vns kompt / oder begeret/ Sonder das wir zu ihr kom-
men / vnd mit ihr / sampt allen außgewählten / der ewi-
gen freude theilhaftig werden sollen / So last auch diß
vnser trost seyn / welcher vns in diesen worten des Pro-
pheten fürgehalten vnd angezeigt worden.

Vnd haben also E. L. gehört / was / vnd wie wir in
diesem vnserem grossen leyd trawren vnd klagen sollen/
Nemblich nicht vber den tödlichen abgang / des durchs
leuchtigsten hochgeborenen Fürsten / der Churf. Pfaltz
Administratoris, vnseres gnädigsten Herren / weil S. J.
G. in der ruhe vnd ihm frieden seynd / Sonder vber vn-
sere große vnd vielfaltige Sünden / vnd anck / sicherheit/
verachtung Gottes vnd seines Worts / Damit wir vns
dieses trewen Vatters des Vatterlands beraubet / vnd
den Zorn Gottes auff den Hals geladen haben.

Vnd ist nun an dem / das wir vns beyleiffigen / das
wir in herzhlicher reu vnd leid vber vnser Sünden / vnd
in wahrem glauben vnd vertrauen zu Gott / rechtschaf-
fene buße / vnd fruchte derselben wirken.

Lasset vnser herzen / vnd nicht vnser Kleider traw-
ren vnd klagen / Lasset vns von ganzem herzen zu dem
Herren vnserem Gott bekehren / Dann er ist gnädig/
D barm

Joel 2.

barmherzig/gedultig vnd von grosser gütē. Vnd wann vns die Sünde räwet / so rewet ihn auch die Straffe/ Wer weis/ er mag das vnglück das er vns gedröwet hat/ wiederomb abwenden / vnd einen Segen hinder sich lassen.

E. L. haben auch gehöret den trost / Nemblich / daß dennoch der Herz vnser Gott vnd Vatter sey/ der noch seine hand zu vns außstreckt/ vnd vns zur Buße/ vnd zu sich ruffet. Der vnsern G. Herzen auß diesem jammerthal in die ewige freude versetzt / auch vns wieder zu der hoffnung des ewigen seligen lebens / durch seinen heiligen Geist geboren hat. Derselbige wolle vns auch seine gnade/ zu einer seligen nachfahrt/ wenn vnser stündlein vorhanden ist / verleihen/ vnd daß wir mit gedult vnd beständigkeit warten / auff die herrliche zukunfft vnser Herzen vnd Heylands Jesu Christi / der vns auß vnserem Schlaffkammerlein auffwecken vnd sammeln/ alle vnser Thräne abwüschē / vnd sampt vnserem G. S. vnd Herzen / vnd allen Außerwehlten/ in die ewige ruhe vnd seligkeit zu sich nehmen wirdt. Amen.

Gebet.

Mich lieber Herze / du grosser vnd schrecklicher Gott / der du ja deinen Bund vnd gnade hältst / denen/ die dich lieben vnd deine Gebott halten: Wir erkennen vnd bekenen/ O Herz/ vnd müssen gestehen/ daß wir durch vnser große vnd vielfältige Sünden

Sünden dich schwerlich erzürnet / vnd wol verdienet hetten / daß wir ganz vñ gar von deinem heiligen Angesicht verstoßen würden. Wir / Wir / unsere Fürsten / unsere Lehrer / unsere Väter / vnd das ganze Volck / haben gestündigt / vnrecht gethan / vnd seynd Gottlos gewesen / haben auch durch vnsern vbermachten vnd danck vnd sicherheit / dieses große herzenleid vnd betrübnuß verursacht / vnd vns nach deinem gerechten vrtheil deinen Zorn auff den hals geladen / Daß wir seynd als Schaffe die ihren Hirten / vnd als arme Waisen / die ihren lieben Vatter verlohren haben. Ja Herz / wir sehen auch deinen Arm außgestreckt / wo wir vns nicht vnder deine gewaltige hand demütigen / vnd durch wahre buß vnd bekehrung wieder gnade erlangen / vns viel hefftiger zu straffen.

Aber / O Herz / dieweil du für vnd für eine zuflucht bist / deren die auff deinen Nahmen hoffen / ein helffer deren / die in ängsten vnd nöthen stecken / Ein tröster vnd Heyland der verlassenen / So haben wir alle unsere zuflucht allein zu dir / vnd bitten dich von grund vnsero herzen / Du wollest vns nicht straffen in deinem
D 2 **grime**

grimmigen Zorn/ vnd wollest vns nicht Wats
 sen lassen von deiner hülffe vnd gnade / Son
 dern wollest vns anschawen mit den augen
 deiner Barmhertzigkeit / vnd dich erinnern / daß
 du vnser Gott bist / vnd vnser Vatter / vnd vmb
 deines geliebten Sohns Jesu Christi / vnser
 Herrn vnd Seligmachers willen vnserer Misse
 that vnd grossen vndanckbarkeit nicht geden
 cken. HErr / zürne nicht zu sehr / vnd geden
 cke nicht ewig der Sünde / Siehe doch an / daß
 wir dein Volck seynd. Du bist vnser theil /
 HErr / Darvmb hoffet unsere Seele auff dich.
 Erhalte vnd segne dein Erbe / das du dir zum
 engenthumb so thewer erkauft hast. Tröste
 vns reichlich mit deiner gnade / in diesem vnse
 rem grossen hertzenleid / nach dem du vns also
 zerschlagen hast : Wende deinen Zorn von
 vns abe / vnd laß deine Barmhertzigkeit vber
 vns walten / auff daß wir deine güte rühmen /
 vnd frölich seyn mögen vnser lebenslang.

Lehre vns bedencken / daß wir sterben müs
 sen / auff daß wir klug werden: Gib daß unsere
 hertzen nicht enngewurzelte seyen allhie auff Er
 den / in diesen Irdischen vnd zergänglichhen din
 gen / Sondern daß wir allezeit hinauff geden
 cken


cken in das ewige Vatterland / da wir vnsern
G. G. vnd Herren wiederumb mit allen Auszer-
wehltten finden / vnd dich loben vnd preisen wer-
den ewiglich.

Wir bitten dich auch / O Himmelfischer Vatter /
Das du dem Durchleuchtigsten / hochge-
bornen Fürsten vnd Herren / Herren Fridrichen
Pfaltzgraffen bey Rhein / des heiligen Röm-
schen Reichs Erzdrukhsessen vnd Churfürsten /
Herzogen in Bayern / vnserem Gnädigsten
Herren / geben / vnd auff ihm wollest ruhen las-
sen / den Geist der weißheit vnd des verstands /
des raths vnd der stärke / der erkandnuß vnd
der furcht des Herren / Das ihre Churfürst. G.
ihre gantze Regierung / zur ehre deines großen
vnd heiligen Nahmens / zur fortpflanzung dei-
nes Reichs / vnd zu des gemeinen Vatterlan-
des nutz vnd wolfahrt / richten / vnd wir vnder
ihrer Churf. G. ein rühiges vñ stilles lebē führen
mögen / in aller Gottseligkeit vnd ehrbarkeit.

Wollest dir auch in deinen Väterlichen
schutz vnd schirm lassen befohlen seyn / beyde
Fürstliche Fräulein / das gantze hochlöbliche
Fürstliche Haus der Pfaltzgraffen bey Rhein /
Auch andere Fürsten / Herren / Räte vnd
Diener /

Diener/ Deszgleichen einen Ersammen Rath
 dieser Statt/ vnd die ganze Gemeind: Gib vnd
 vermehre ihnen vnd vns allen deine gnade/ dasz
 wir in deiner Erkandnuß vnd furcht / vnnnd in
 wahrem Glauben vnd Busfertigen leben / se
 länger se mehr zunehmen/ bisz auch vnser stünd
 lein herben kompt/ dasz wir auß diesem Jammer
 thal in die ewige freude zu dir genommen wer
 den. Amen.





Faint, illegible text, likely bleed-through from the reverse side of the page.



Nr 726. g


ULB Halle 3
001 526 278




Sl.

W.







4.

Leich Predig /
Welche bey der Begräbnuß
Weiland des Durch-
leuchtigsten / Hochgebornen Fürsten
vnd Herren / Herren Johannis Casimiri / Pfaltz-
graffen bey Rhein / Vormunden / vnd der Churfürst-
lichen Pfalz Administratoris / Herzogen in
Bayern ꝛ. Christeligster gedächtnuß/
ist gehalten worden / den 26.
Januarij Anno 92.

Durch
MELCHIOREM ANGERVM HoffPredigern.

Sapient. 4. vers. 13.14.

Er ist bald vollkommen worden vnd hat viel jahr erfüllet. Dann seine Seele
gefällt Gott / Darumb eylet er mit ihm auß dem bösen leben.

d.



Gedruckt in der Churfürstlichen Statt Heidelberg/
durch Abraham Smesman / in Verlegung
Josua Harnisch / Anno 1592.